



De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Sanctos Mensivm Septembris Et Octobris

Surius, Laurentius

Coloniae Agrippinae, 1576-

VD16 S 10262

De S. Satyro confessore.

[urn:nbn:de:hbz:466:1-77413](https://nbn-resolving.de/urn:nbn:de:hbz:466:1-77413)

Spontē vincula ei⁹ foliū nūtūrū in catēcere.

bus, spontē solutis vinculis, liberum se sentit Dei seruus, & lento gradu accedens ad ostium, illud patēre sibi cernit. Itaque secundū Euangelium persecutionem fugiens, ad extraneam properat regionem. Egressus autem extra portam Lugdunensem, anticipi defixus consilio, substitit, quārens secum, cui potissimum via insisteret,

Fugit.

& vt posset nulla relinquere indicia ipsum insecuris. Præmissa itaque oratione, difficiili natatu Rhodanum transmittere instituit. Sed quānam seruus Dei clementia non seruiant? aut quando martyris precibus non quilibet aduersa mirescant? Armatus igitur fide, & Domini promissione securus, amnem fidus ingreditur: quem sibi incumbentem, deductis blandè vorticibus, leni tergo solidior vnda suspendit: atque ita cum beatus martyr natandi conatu paucis traiicit impulsibus, & in vltioreni ripam securus exit. Dehinc concito gradu ingressus aggerem publicum, usque ad latrem fluuiū percurrit. Vbi cūm à persecutoribus comprahenderetur, & reuinctis post tergum manibus duceretur in eum locum, in quo sepulcrum sancti corporis eius veneramur, subito instinctu crudelitatis percussus, occubuit. Quem fidelis reliquias ciuium deuotio, ad præsidium ciuitatis non longè à Rhodano cum summa veneratione tumulauit. Cuius beneficia per ciuitates sicut expertuntur votis, ita beneficijs frequentibus approbantur: Præstante Domino nostro Iesu Christo, cui est virtus in secula seculorum, Amen.

DE S. SATYRO FRATRE BEATISSIMI
AMBROSI, ORATIO FVNEBRISS EIVSDEM AM-
broſij Episcopi Mediolanensis. Habetur Tomo 3. Operum eius.

Nos capitula margini adiecimus.

18. Septem
bris.
Cap. 1.

Christ⁹ cur
pro omni-
bus mor-
tuus.

Non recu-
sat Domin⁹
legē car-
nis propter
nos.



ED V X I M V S, fratres dilectissimi, hostiam meam, hostiam incontaminatam, hostiam Deo placentem, dominum & fratrem meum Satyrum. Memineram quippe eum esse mortalem, nec fessilis opinio, sed superabundauit gratia. Itaque nihil habeo quod querar: sed habeo, in quo Deo gratias agam: quia semper optaui, vt si que perturbationes vel Ecclesiam, vel me manerent, in me potius ac meam reciderent domum. Deo igitur gratias, quia in hoc omnium metu, cūm omnia motibus sint suscepta barbaricis, communem macerorem priuato dolore transagi, & in me conuersum est, quicquid omnibus timebam. Atque utinam h̄c consummatum sit, vt dolor meus publici doloris redemptio sit. Nihil quidem habui, fratres charissimi, in rebus humanis tanto fratre preciosius, nihil amabilius, nihil charius. Sed præstant priuatis publica. Ipsius quoque si quis sententiam sciscitaretur, māllet occidi pro alijs, quam sibi vivere. Propterea enim pro omnibus secundū carnem Christus est mortuus, vt non nobis solis vivere disceremus. Accedit illud, quod ingratus diuinitati esse non possum. Lærandum est enim magis, quod talem fratrem habuerim, quam dolendum, quod fratrem amiserim. Illud enim munus, hoc debitum est. Itaque perfundet sum, quandiu licuit, concessio mihi foenore: qui depositus pignus, recepit. Nihil interest, utrum abiures depositum, an doleas restitutum. In utroque enim fidei ambiguum, vita periculum est. An si pecuniā neges, culpa est: si hostiam neges, impietas non est: cūm pecuniā foenator illudi possit, natura author, & necessitudinis creditor fraudari non queat? Itaque quanto vberior foenoris summa, tanto gratiors sortis vſura. Vnde integrati de fratribus morte esse non possumus, quia quod natura communis fuit, reddidit: quod gratia singularis est, meruit. Quis enim communem conditionem recusat? Quis doleat proprium sibi pignus eruptum, cūm ad solatium nostrī filium suum unicum pro nobis pater tradiderit ad mortem? Quis exceptum se putet esse debere à conditione moriendi, qui non sit exceptus à conditione nascendi? Magnum pietatis mysterium, vt mors corporis nec in Christo esset excepta: ac licet natura Dominus, carnis tamen, quam suscepserat, legem non recusaret. Et mihi necesse est mori: illi necesse non fuit. An qui de seruo dicit, Si cum volo sic manere donec venio, quid ad te? non potuit ipse sic manere, si vellet? Sed perpetuitate vita huius sibi

sibi premium, mihi sacrificium perdidisset. Quod igitur maius est solatiū nostrī, quām quōd secundūm carnaē & Christus est mortuus? Aut cur ego vehementius fleam fratrem, cūm sciam illam mori non potuisse pietatem? Cur solum præ ceteris fleam, quem fletis omnes? Priuatum dolorem cōmuni dolore digessi: præsertim cūm mea lachrymæ nihil pro sint: vestra autem lachrymæ fidem adstruant, consolationem afferant. Fletis diuites, & flendo probatis nihil opitulari repositas diuitias ad salutem: cūm pecunia preio mors differri non queat, & pari vſu diuitem, inopemque dies supremus eripiat. Fletis senes, quōd in hoc liberorum fortē paucis. Et ideò quia vitam corporis producere non potestis, institute liberos non ad vsum corporis, sed ad virtutis officiū. Fletis & iuuenes, quōd natura finis non sit maturitas sene etatris. Fluerunt & pauperes, & quod multo est preciosius, multoque vberius, lachrymis suis eius delicta lauerūt. Ita sunt lachrymæ redemptrices, isti gemitus, qui dolorem mortis abscondunt. Iste dolor, qui perpetua vbertate latitiae, veteris sensum doloris obducat. Itaque licet priuatum funus, tamen fletus est publicus: Et ideò non potest fletus esse diuturnus, qui vniuersorum est affectibus consecratus.

Nam quid te, mi frater amantissime, fleam, qui mihi sic eruptus es, vt esses omnium? Non enim perdidisti vsum tuū, sed commutaui. Ante corpore inseparabilis, nunc individus affectu. Manes enim mecum, ac semper manebis. Et quidem cūm viueres nobiscum, nunquā te patria eripuit mihi, nec ipse mihi vñquām patriam prætulisti, & nunc alteram præstisti. Coepi enim hīc iam non esse peregrinus, vbi melior mei portio est. Nunquā enim torus in me fui, sed in altero nostrī pars maior amborum: vterque autem eramus in Christo, in quo & summa vniuersitatis & portio singulorum est. Hic mihi tuuulus genitali solo gratiō, in quo non natura, sed gratia incæ fructus est. In isto corpore enim, quod nunc exanimū iacet, præstantior viræ meæ functio: quia in hoc quoquè, quod gero, corpore, vberior tuū portio. Atque vtinām vt memorie, vt gratia, ita etiam vitæ tuae hoc quicquid est, quod spiramus, spirare possemus, dimidiumque meorum decideret temporum, quod ad tuorum proficeret vsum. Par enim erat, vt quibus indiuisum semper fuit patrimonium facultatum, non esset vita tempus diuisum. Vel certe qui indistincta semper habuimus viuendi consortia, non haberemus distincta moriendi. Nunc verò, frater, quò progrediar, quóve conuertar? Bos bouem requirit, seque non totum putat, & frequenti mugitu piūm testatur affectum, si forte defecerit, cum quo ducere collo aratra consuevit: & ego te frater non requiram? Aut possim vñquām obliuisci tuū, cum quo vita huius semper aratra sustinui? Labore inferior, sed amore cōiunctior, non tam mea virtute habilis, quām tua patientia tolerabilis: qui pio semper sollicitus affectu, latus meum tuo latere sepiebas, charitate vt frater, cura vt pater, solicitudine vt senior, reuerentia vt iuvenor. Ita in vnius necessitudinis gradu, complurium mihi necessitudinum officia impendebas, vt in te non vnum, sed plures amissos requiram: in quo vno ignorata adulatio, expressa est pietas. Neque enim habebas, quod simulatione adderes, qui totum pietate compræhenderas, vt nec incrementa reciperes, nec vicem expectares.

Sed quò immemor officij, memor gratia, immodico dolore progredior? Reuocat Apostolus, & tanquam frenos moeroris inducit dicens, sicut nupér audistis: Nolumus vos ignorare fratres de dormientibus, vt non tristes sitis, sicut & ceteri, qui spem non habent. Date veniam, fratres charissimi. Neque enim omnes possumus dicere: Imitatores mei estote, sicut & ego Christi. Sed ad imitandum, si authorem quæritis, habetis quem possitis imitari. Non omnes ad docendum idonei: vtinām &c. omnes ad discendum habiles. Non grauem lachrymis contraximus culpam. Non omnis infidelitatis, aut infirmitatis est fletus. Alius est naturæ dolor, alia est tristitia disfides: & plurimum referit desiderare, quod habueris, & lugere quod amiseris. Non solus dolor lachrymas habet, habet & letitia lachrymas suas. Et pietas fletum excitat, & oratio stratum rigat, & precatio iuxta propheticum dictum, lectulum lauat. Feccunt & fletum magnum sui, cūm patriarchæ sepelirentur. Lachrymæ ergò pietatis indices, non illices sunt doloris. Lachrymavi ergò, fateor, etiā ego: sed lachrymavit & Dominus. Ille alienum, ego fratrem. Ille in vno lachrymanit omnes: ego in omnibus lachrymabo te frater. Ille nostro, non suo, lachrymavit affectu. Neque enim diuinitas lachrymas habet: sed lachrymavit in eo, qui tristis fuit: lachrymavit in eo, qui crucifixus est, qui mortuus, qui sepultus, Lachrymavit in eo, de quo hodiè nobis insinuauit Propheta, dicens: Mater Sion, dicet homo, & homo factus est in ea, & ipse fundauit Iohann. 11. Psal. 6.

Liberi ut à
parentibus
instituendi.

Omnia bo-
na tempo-
raria erant
his fratribus
communia.

Mira chari-
tas talium
fratrum.

eam altissimus: In eo lachrymavit quod matrem Sion dixit, genitus in Iudea, suscep-
tus ex Virgine. Matrem autem secundum diuinitatem habere non potuit, qui au-
thor est matri. Ille factus est non diuina generatione, sed humana: quia homo factus
est, Deus natus est. Sicut & alibi habes: Puer natus est nobis, filius datus est nobis. In
puero enim nomen ætatis, in filio plenitudo diuinitatis est: factus ex matre, natus ex
patre: idem tamen & natus & datus, non diversum, sed unum putas. Vnus enim Dei
filius, & natus ex patre, & ortus ex Virgine, distanti ordine, sed in unum concurrente
nomine, sicut & præsens lectio docet, quia & homo factus est in ea, & ipse fundavit
eam altissimus: homo viriè corpore, altissimus potestate. Etsi Deus & homo diuer-
sitate naturæ, idem tamen, non alter, in utroque. Aliud ergo speciale naturæ sue, aliud
commune nobiscum, sed in utroque unus, & in utroque perfectus. Non igitur miran-
dum est, quia & Dominum eum, & Christum fecit Deus. Fecit ergo Iesum eum, ut
què ex corpore nomen accepit. Fecit eum, de quo etiæ patriarcha scribit David:
Quia mater Sion, dicit homo, & homo factus est in ea. Dissimilis, utquè non diuini-
tate, sed corpore: nec disceretus à patre, sed exceptus in munere: manens in consor-
tio potestatis, segregatus in mysterio passionis.

Eli. 9.

Act. 2.

Psal. 86.

Cap. 4.

Marcellina
foror. Am
broſi, virgo
sanctissima.

Cap. 5.

Vide quid
tantus vir-
tribuat fa-
cias reli-
quias.

Plura loci huius tractatus exposcit, quibus possimus ostendere autoritatem Pa-
tris, proprietatem filij, Trinitatis totius unitatem: sed consolandi hodiè, non tractan-
di partes recepi: quanquam abducere à mœrore animum intentione tractandi, con-
solationis usus sit. Sed temperandus mihi mœror, quam alienandus affectus est: ut
mulcentur magis desideria, quam sopiantur. Non libet enim abire à fratre longi-
us, & occupatione subduci: cum velut comitandi eius gratia hic sermo susceptus sit,
ut diutius sensu prosequar proficiscentem, & quem oculis teneo, mente complectar.
In illo enim totam oculorum aciem figere libet: cum illo totis animorum officijs
immorari, illum toto blandiarum ambire obsequio, dum stupet animus: nec
amissum credo, quem adhuc cerno præsentem: nec mortuum puto, cuius adhuc
officia non requiro: quibus ego vitæ meæ usum, & spirandi omne munus addixe-
ram. Quid enim referam tantæ gratiæ, tanto labori? Ego te, frater, hæredem fece-
ram: tu me hæredem reliquisti. Ego te superstitem optabam: tu me superstitem di-
misisti. Ego pro muneribus tuis, ut compensarem beneficia, vota referebam: nunc
& vota perdidis, sed tamen tua beneficia non amisi. Quid agam mei successor hæ-
dis? Quid agam meæ vitæ superflue? Quid agam exors huins, quod capio, luminis?
Quas grates, quæ munera referam tibi? Nihil à me, prater lachrymas, habes. Aut for-
tasse securus meriti tui, quas solas superstites habeo, lachrymas non requiris. Nam
eriam cùm adhuc viueres, flere prohibebas: mœror emque magis nostrum, quam tu-
am mortem, tibi esse testabar dolori. Prohibent vterius prodire lachrymæ, fletus
que renocant. Prohiberat etiam tuî gratia: nè, dum nostra deflemus, de tuis meritis de-
sperare videamus. At certè, ut nobis etiam mœroris istius minuisti acerbitudinem, non
habeo quod timeam, qui timebam tibi: Non habeo, quod mihi iam mundus eripiat.
Etsi sancta superstite soror Marcellina, integritate venerabilis, æqualis moribus, non
impar officijs: tibi tamen ambo plus timebam, in te vitæ huius iucunditatem re-
petitam putabamus. Propter te vivere delectabat, propter te non pigebat mori. Te
enim ambo superstite preocabamur, tibi nos superiuere non iuuabat. Quandò non
cohorruit animus, cùm metus huiusmodi titillaret? Quomodo consternata mens
erat ægritudinis tua nuncio? Vè misere opinioni: putabamus redditum, quem vide-
mus dilatum. Tuis enim votis aquæ sanctum martyrem Laurentium impetratum
esse nunc cognoscimus commeatum, atque utinam non solum commeatum, sed
etiam prolixu vitæ tempus rogâsses. Potuisti annos plurimos impetrare vivendi, qui
potuisti commeatum impetrare veniendo.

Et quidem tibi, omnipotens æterne Deus, gratias ago, quod vel hæc nobis su-
prema solatia non negâsti, quod amantissimi fratris ex Siculis Africanisve regio-
nibus exoptatum nobis redditum contulisti. Ita enim maturè, postquam venit, ere-
ptus est, quasi propter hoc solum videretur esse dilatus, ut ad fratres rediret. Habeo
planè pignus meum, quod nulla mihi peregrinatio iam possit auellere. Habeo quas
complectar reliquias. Habeo tumulum, quem corpore tegam. Habeo sepulcrum,
super quod iaceam: & commendabilorem Deo futurum esse me credam, quod supra
sancti corporis ossa requiescam. Utinam sic potuisse aduersus mortem quoquè tuam
meum corpus obijcere. Si gladiis petitus essem, me pro te potius suffigendū dedisset.

Si

DE S. SATYRO CONFESSORE.

329

Si ex euntem potuisset reuocare animam, meam potius obtulisset. Nihil mihi profuit ultimos haussisse anhelitus: nihil fatus in os inspirasse morienti. Putabam enim, quod aut tuam mortem ipse susciperem, aut meam vitam in te ipse transfunderem. O infelicia illa, sed tamen dulcia, suprema oscularum pignora. O amplexus miseri, inter quos exanimum corpus obriguit, halitus supremus euauit. Stringebam quidem brachia, sed iam perdidera, quem tenebam: & extremum spiritum ore relegebam, vt consortium mortis haurirem. Sed nescio quomodo vitalis ille mihi halitus factus est, & maiorem gratiam in ipsa morte redolebat. Atque vtinam si tuam nequui meo spiritu vitam producere, vel ultimi anhelitus tui vigor transfundit potuisset in meam mentem, & illam tui animi puritatem atque innocentiam noster spirasset ^{Puritas &} affectus. Hanc mihi hereditarem, frater charissime, reliquisses, quae non lachrymabilis ^{Innocentia} S. Satyri.

Quid igitur nunc agam, cum omnes vitae istius suavitates, cuncta solatia, cuncta ^{Cap. 6.} denique ornamenta amiserim? Tu enim mihi unus eras domini solatio, foris decori. Tu (inquam) in consiliis arbiter, curae particeps, deprecator solitudinis, depulsor moeroris. Tu meorum assertor actuum, cogitationumque defensor: tu postremus vnuus, in quo domestica solicitude resideret, publica cura requiesceret. Testor sanctam animam tuam, me in publicis Ecclesiæ id saepè veritum esse, ne displicerem tibi. Denique ubi redisti, obiurgasti moram: ita domini forisque eruditum quidam & arbiter sacerdotis, ut domestica cogitare non sineres, publica curare censeret. Ut vereor, ne videar arroganter dicere. Haec enim laudis tua portio est, quia sine offensione villa ^{Satyrus gen.} & gubernasti fratris domum, & commendasti sacerdotium. Sento equidem, quod ^{bornauit do-} repetendis officijs tuis, recensendisque virtutibus afficiatur animus, sed tamen in ^{mum S. Am-} ipsa mei affectione requiesco: atque haec mihi recordationes etsi dolorem renouant, tamen afferunt voluptatem. An ego possum aut non cogitare de te, aut unquam sine lachrymis cogitare? Et potero unquam, aut tanti non meminisse fratris, aut sine lachrymabili quadam meminisse gratia? Quid enim mihi unquam iucundum, quod non esset ex te profectum? Quid unquam mihi sine te, aut tibi unquam sine me voluptati fuit? Quis non visus nobis, & propè visus ipse somnusque ^{Mira ani-} communis? Quæ discreta unquam voluntas? quod non commune vestigium, fe- ^{morū in et} rē ut cum gradum tollerem, vel tu meum, vel ego tuum corpus videremur attolle- ^{eos conser-} re? Quod si quandò sine altero procedendum fuit, intectum latus putares, affectum ^{res S. Satyri.} vultum cerneret, inestum animum iudicares: non assueta gratia, non vigor solitus prænitezbat: suspecta omnibus solitudo merum alicuius ægritudinis afferebat. Ita nouum videbatur omnibus nos diuidi. Ego certè fraternali oblitus absentiae, quasi presentem, reflexa sepius cernuice, quærebam, & coram alloqui atque adspicere videbar mihi. Sed tanquam suspensum collo iugum, ubi speratis excideram, trahere me putabam: difficilis progredi, verecundus videri, & redire deproperans, quod sine te procedere non liberetur. At verò ubi ambobus prodeendum fuit, non plura in itinere vestigia, quam verba, nec incessus, quam sermo crebrior, nec ambulandi cura, sed colloquendi gratia. Vterque enim nostrum ex alterius ore pendebat. Non intento adspicere legere iter, sed mutuò sollicitos excipere sermones, haurire oculorum gratiam, spirare fraternali imaginis voluptatem. Quam virtutes tuas tacitus tecum ipse mirabar? Quam plaudebam mihi, quod talis me Dominus fratre ^{Nota virtu-} donauerat, tam pudico, tam efficaci, tam innocentia, tam simplicit: ut cum tuam inno- ^{tes S. Satyri.} centiam cogitarem, efficaciam desperarem: cum efficaciam cernerem, innocentiam non putarem: sed vtrunque mita quadam virtute iungebas. Denique ea, quæ ambo nequieramus concludere, solus implisti. Plaudebat sibi, vt audio, Prosper, quod sacerdotij mei occasione redditurum se, quæ abstulerat, non putabat: sed vehementiorem tuam vnius efficaciam expertus est, quam duorum. Itaque soluit omnia, nec moderationi ingratus tuus, nec illudens pudori, sed & modestia gratus, nec insolens efficacia. Sed cui, frater, illa quæsisti? Nos enim idem volebamus laborum tuorum esse præmium, quod documentum erat. Peregisti omnia, & ubi perfundens omnibus reuersti, tu solus nobis, qui omnibus es præferendus, eriperis: quasi ideo mortem distuleris, vt consummares pietatis officium, palmam efficacia reportares. Quam nec ipsi nos, frater charissime, seculi huius delectabant honores, quod nos à nobis in uicem diuidebant: quos ideo adepti sumus, non quia fuit eorum expetenda perceptio, sed ne vilis dissimulatio videretur. Aut fortassis ideo sunt tributi, vt quia immaturo

Ee 3

tui

tuū obitu, nostra futurus erat voluptatis occasus, sine nobis iam vivere disceremus. Equidem præsgæ mentis agnosco formidinem, dum reperio sèpè, quæ scripserim. Reuocabam te, frater, nè ipse Africam peteres, ac potius aliquem destinares: timebam te committere viæ, fluctibus credere, & solito metus maior incesserat animum. Sed & peregrinationem explicuisti, & rem ordinasti, & veteri & sentinoſo (vraudio) nauigio iterum te fluctibus credidiſti. Nanque dum celeritatem ancuparis, cautelam pretermisisti, audius nostræ gratia, dissimulans periculi tui. O fallax latitia, ò incerta humanarum rerum curricula. Ex Africa redditum, ex mari restitutum, ex naufragio seruatum, putabamus iam nobis non posse eripi: sed grauiora naufragia in terris positi sustinemus. Nam quem non potuerunt naufragia maris ad mortem deducere, strenuis natibus euitata, cuius mors coepit nobis esse naufragio. Quid enim superest suavitatis, quibus tam prædulce decus, tam charum in his mundi tenebris lumen extinctum est, in quo non nostræ solùm familiæ, sed totius patriæ decus occidit?

*Cap. 7.
Dolor pu-
blicus mors
s. Satyri.*

*Aet. 9.
Luc. 7.*

Habeo sanè vobis, fratres dilectissimi, plebs sancta, maximam gratiam, quod non alium dolorem meum, quam vestrum putatis, quod vobis accidisse hanc nostræ creditis solitudinem, quod fletum totius civitatis, æratum omnium, ordinum omnium, vota noua quadam pietate desertis. Non enim misericordia priuata dolor, sed quoddam publicæ officium & munus est gratia. Aut si qua vos mei tangit misericordia, quod talem fratrem amiserim, habeo fructum vberem, habeo vestri pignus affectus. Mallem fratrem vivere: sed tamen publicum officium in secundis rebus iucundius est, in aduersis gratius. Neque vero mihi mediocre meritum tanti videtur officij. Neque ociosè vel in Actibus Apostolorum Thabitam mortuam flentes viduæ describuntur: vel in Euangeliō mota lachrymis viduæ prosequens turba funus adolescentis inducitur, cui resurrectio debebatur: illam tamen Thabitam viduæ, hunc tota ciuitas fleuit. Non ergo dubium est, vestris lachrymis Apostolorum patrocinium comparari, non (inquam) dubium est, Christum misericordia motum, cum vos flentes videret, etsi nunc non tetigit loculum, suscepit tamen commendatum spiritum: Etsi non appellauit corporis voce defunctum, diuinæ tamen potestatis auctoritate à cruciatibus mortis, & nequitia spiritualis excursionibus eius animam liberavit. Etsi non resedit in loculo, qui erat mortuus, tamen requieuit in Christo. Etsi non locutus est nobis, tamen ea, quæ supra nos sunt, cernit, & quæ potiora sunt nobis, iam se videre latatur. Per ea enim, quæ in Euangeliō legimus, quæ futura sunt intelligimus: & presentium species, indicium est futurorum. Non opus fuit ei resurrectio temporali, cui æterna debetur. Quid enim in hanc miseram & aruanosam recideret labem, atque in hanc flebilem vitam redire, quæ raptum magis esse ex tam imminentibus malis, virginibusque periculis gaudere debemus? Nam si pacato seculo, bellisque cessantibus, raptum Enoch nemo defleuit, sed magis propheta laudauit, sicut de illo scriptura dixit: Raptus est, nè malitia mutaret cor eius: quanto magis nunc iure dicendum est, cum ad seculi lubricum vitæ accedat ambiguum? Raptus est, nè manus incideret barbarorum? Raptus est nè totius orbis excidia, mundi finem, propinquorum funera, ciuium mortes: nè postremò sanctarum virginiū atque viduarum, quod omni morte acerbius est, conlusionem videret? Ego vero te, frater, tum vitæ tuæ flore, tum mortis commoditate beatum arbitror. Non enim nobis crepus es, sed periculis: non vitam amisisti, sed ingruentiam acerbatum formidine caruisti. Nam quæ eras sanctæ mentis misericordia in tuos, si nunc virgeri Italiam tam propinquu[m] hoste cognosceres, quantum ingemisceres, quam dolores, in alpium vallo summam nostræ salutis confidere, lignorumque concædibus construi murum pudoris? Qua afflictione mœreres, tam tenui discrimine tuos distinseri ab hoste impuro atque crudeli, qui nec pudicitia parceret, nec saluti? Quoniam, inquam, hæc modo ferres, quæ nos perpeti, & fortasse, quod gratius est, spectare cogemur: rapi virgines, & auulos à complexu parætum paruos liberos supra tela iactari, incestari sacrata Deo corpora, & senilem viduæ matrioris vterum, in vñis desuetos onerū redire, non pignorum? Quoniam, inquam, modo ista tolerares, qui etiam ultimo spiritu, tuū iam fortassis oblitus, & adhuc nostrī non immemor, de cauenda incursum: fortasse ideò, quod nos destitui tua in morte cernebas: quod nō infirmitate ani-

Symmachus mi, sed pictate faciebas: Etsi infirmus pro nobis, tamē firmus tibi. Qui cùm à viro nobili reuocareris Symmacho tuo parente, quod ardere bello Italia diceretur, quod in peri-

*Gen. 5.
Sap. 4.*

s. Euangeli-

quæ sunt fu-

tura intelli-

gimus.

UNIVERSITÄTS-

BIBLIOTHEK

PADERBORN

riculum tenderes, quod in hostem incurres: respondisti hanc ipsam tibi causam esse veniendi, ne nostro decesses periculo, ut consorem te fraterni discriminis exhiberes. Felix igitur tam opportuno obitu, quia non es in hunc seruatus dolorem. Certe felicior, quam sancta soror, qua tuo solatio destituta, de suo pudore solicita, duobus nupè beata germanis: nunc ex duobus fratribus ærumnofa, neque alterum sequi potest, neque alterum derelinquere: cui tumulus hospitium tuus, & corporis tui sepulcrum est domus. Atque vtinam vel hoc tutum diuersorum. Cibus in fletibus, potus in lachrymis. Cibum etenim dedisti nobis panem lachrymarum, & potū dedi- Psal. 77.

stionibus in lachrymis in mensuram, aut fortasse vltra mensuram. Nam quid de me loquar, cui neque mori licet, ne sororem relinquam: neque vivere liber, nè à te reuelar? Quid enim mihi sine te potest esse iucundum, in quo omnis semper fuit nostra iucunditas? Aut quid diutius in hac vita degere iuuat, atque in terris morari, in quibus tandem iucundè viximus, quandiu simul viximus? Etsi esset, quod hic delectare nos posset, sine te delectare non posset. Etsi quandò voluisse impensè vitam producere, iam tamen sine te esse nollemus. Hæc intolerabilia. Cap. 8. Quid enim tolerabile sine te tanto vita comite, tanto laborum meorum officiorumque consorte? Cuius ego casum, quod esset tolerabilius, nec præmeditari potui: ita pauebat animus de illo tale aliquid cogitare, non quod conditionem ignorarem: sed quidam votoruū usus sensum cōmuni fragilitatis obduxerat, vt d' illo, nisi secūda omnia cogitare neficeret.

Denique proximè cùm graui quodā, atque vtinam supremo, vrgerer occasu, hoc solum dolebam, quod non ipse assideres leitulo, ac votuum mihi cum sancta sorore partitus officium, morientis oculos digitis tuis clauderes. Quid optaueram? Quid rependo? Quæ vota deficiunt? Quæ ministeria succedunt? Aliud præparabam: aliud exhibere compellor, non iam ipse ministerium funeris, sed minister. O dura oculorum lumina, qua potuisti fratrem videre morientem. O immites & asperæ manus, qua clausisti oculos, in quibus plus videbā. O durior ceruix, qua tam lugubre onus, consolabilicet obsequio, gestare potuisti. Hæc tu, frater, mihi iustius exhiberes. Hæc ego à te expectabam. Hæc ego officia desiderabam. Nunc verò ipse mea vita superstes, quod sine te solatium capiam, qui solus mōrentem solari solebas, excitare lātitudinem, mōritudinem propulsi? Qualem te nunc ego, frater, adspicio, iam nulla mihi verba referentē, iam nulla offerentē oscula? Quanquam ita mutuus semper vtrique nostrum insederit amor, vt interiore potius soueretur affectu, quam forensi blanditia diuulgaretur. Neque enim aliorū quærebamus testimonium, qui tantā nostrī gratiam tenebamus. Ita virilis se vtrique nostrum germanitatis succus infuderat, vt non blanditijs probare amorem, sed conscientia mente pietatis interno amore contenti, sum blanditiarum non requirere videremur, quos & ipsa in amorem mutuū imago formaret. Nescio enim qua expressione mentis, qua corporis similitudine alter in altero videbamur. Mira similitudo in sanctis fratribus. Quis te adspexit, qui non me visum putaret? Quoties aliquos salutari, qui quoniā te prius consulutauerant, se à me iam dicenter salutatos? Quantib[us] tibi dixerunt aliquid, qui se mihi dixisse memorarent? Quæ mihi hinc gaudia, quanta frequenter oborta lātitia, quod eos errare in nobis cerneret? Quām gratus error, quam iucūda prolapsio, quam religiosa fallacia, quam suavis calumnia? Neque enim de tuis erat aliquid aut factis, aut sermonibus, quod timerem, qui mīhi tua lātabar ascribi. Tamen si vehementius cōtenderent, quod se mihi aliquid intimāsse memoret, respondebam ridens & gaudens, Videte nè fratri dixeritis. Nam cùm omnia nobis essent nostra communia, indiuidus sp̄ritus, indiuidus affectus: solum tamē Fratribus suis iudicibus sp̄ritis, vous affectus, ac omnia cōmunia. cōmune non erat secretū amicorum: non quod cōferendi periculum vercremur, sed tenendi seruaremus fidē. Sanè si consilio pendenda res esset, erat semper commune consilium, non semper commune secretum. Nam etsi amici ita alteri nostrum dicearent, vt dicta sua ad alterutrum peruenirent: tamen scio plerunque ita fidem secreti esse seruatam, vt nec fratri committeretur. Erat enim fidele indicium, & extranco non esse proditum, quod non esset cum fratre collatum. His igitur tantis ac talibus bonis in excessum quendam, fateor, mentis elatus: superstitem me timere desieram, quod illi vita crederem dignorem. Et ideo excepti plagā, quam ferre non possum. Tolerabiliora enim tanti doloris præmeditata, quam inexplorata, vulnera.

Quis iam mōustum solabitur? Quis afflīctū leuabit? Cum quo pāticipabo curas? Cap. 9. Quis me ab iustiū mūdi vindicabit usū? Tu enim auctor negotiorū, cōsor seruulorū, arbitr fratrū: nō litis, sed pietatis arbiter. Nam si quādō aliquid cum sancta sorore mi-

hi conferendum fuit, vtra melior videretur sententia, te iudicem sumebamus: qui nullius laederes os, atque vtrique satisfacere gestiens, & amandi affectum tenebas, & censendi modum: vt & vtrunque gratum dimitteres, & vtriusque tibi gratiam vindicares. Aut si ipse aliquid disceptandum deferres, quam grata contentio tua? quam sine felle ipsa indignatio? quam seruulis ipsis coercitio non amara? cum te fratribus magis deferre, quam ex affectu dices vindicare. Nobis enim professio repressi studia coercendi. Immò tu frater, ab omni nos abducebas coercitionis affectu, vindicare pollicens, & lenire desiderans. Non mediocris igitur prudentia testimoniu, que ita à sapientibus definitur: Bonorum primum esse, Deum scire, & verum illud atque diuinum pia mente venerari: illam amabilem & concupiscendam aeternam pulchritudinem veritatis, tota mentis charitate diligere. Secundum autem, in proximos à diuino illo fonte atque celesti naturae deriuare pietatem. Quod etiam mundi sapientes nostris hausere de legibus. Neque enim deriuare ista in hominum disciplinas, nisi de celesti illo diuinæ legis fonte potuissent.

Cap. 10.

Quid igitur obseruantiam cius erga Dei cultum prædicem? qui priusquam perfectioribus esset initiatu[m] mysterijs, in naufragio constitutus: cum ea, qua vcheretur, nauis scopuloſo illis vado, & vrgentibus hinc atque inde fluctibus solueretur, nō mortem metuens, sed nè vacuus mysterij exiret è vita, quos initiatos esse cognouerat, ab his diuinum illud fidelium sacramentum poposcit: non vt curiosos oculos insereret arcans, sed vt fidei sua consequeretur auxilium. Etenim ligari fecit in orario, & orarium inuoluit collo, atque ita se deiecit in mare, non requirens de nauis compage resolutam tabulam, cui supernatans iuuaretur, quoniam fidei solius arma quassierat. Itaque his se tectum atque munitum satis credens, alia auxilia non desiderauit. Simul fortitudinem eius spectare licet, qui fatiscente remigio non quasi naufragus tabulam sumperit, sed quasi fortis, ex seipso adminiculum sua virtutis assumpsit. Nec deseruit spes, nec fefellit opinio. Denique primus seruatus ex vndis, & in portu terrenæ stationis euectus, præsulem suū, cui se crediderat, recognouit: statimque vbi etiam ceteros seruulos suos, vel ipse liberavit, vel liberatos comperit, negligens facultatum, nec amissa desiderans, Dei ecclesiam requisuit, vt ageret gratias libertatus, & mysteria aeterna cognosceret, pronuncians nullum referenda gratia maius esse officium. Quid si homini non referre, simile homicidio iudicatum est: quantum crimen est, non referre Deo? Est ergo prudentis, agnoscere seipsum, & quemadmodum à sapientibus definitum est, secundum naturam viuere. **Quid enim est tam secundum naturam, quam referre authori gratiam?** Adspice cælum hoc, nonne auctori refert gratiam, cum videatur? Cæli enim enarrant gloriam Dei, & opera manuum eius annunciat firmamentum. Mare ipsum cum sedatum atque tranquillum est, diuinæ serenitatis testatur in dicum: cum mouetur, indignatio superna terrori est. Nonne omnes Dei gratiam iure miramur, cum aduertimus quod insensibilis natura quadam sensibili ratione suos fluctus coereat, & fines suos vnda cognoscat? Nam de terris quid loquar, quæ diuino obedientes præcepto, omnibus sponte animantibus pabulum subministrant: atque id quod acceperint agri, velut crecētibus vñris, multiplicatum, cumulatumque restituunt? Ergo ille, qui natura duce diuini rationem operis igneo mentis vigore percepérat, sciuīt primo omnium seruatori suo gratiam esse referendam. Sed quia referre non poterat, habere poterat. Est enim huiscemodi gratia vis, vt & cum refertur, habeatur: & habendo referatur. Referebat igitur gratiam, deferebat fidem. Nam qui tantum mysterij celestis inuoluti in orario præsidium fuisset expertus, quantum arbitrabatur si ore sumeret, & toto pectoris hauriret arcano? Quam maius putabat fusum in viscera, quod tantum sibi tectum oratio profuisset? Sed non ita audius fuit, vt esset incautus. Scimus enim pleroque auiditate studij prætermittere cautionem. Aduocauit ad se Episcopum, nec vilam veram putauit, nisi vera fidei gratiam: percontatusque ex eo est, vtrumnam cum Episcopis catholicis, hoc est, cum Romana Ecclesia conueniret. Et forte & ad id locorum in schismate regionis illius Ecclesia erat. Lucifer enim se à nostra tunc temporis communione diuiserat: & quanquam pro fide exulasset, & fidei sua reliquisset heredes, non putauit tamen fidem esse in schismate. Nam ersi fidem erga Deum tenerent, tamen erga Dei Ecclesiam non tenerent: cuius patiebantur velut quosdam artus diuidi, & membra lacerari. Etenim cum propter Ecclesiam Christus passus sit, & Christi corpus Ecclesia sit, non videtur ab his exhiberi Christo fides, à quibus euacuatur eius

Prudentia
definitio.Nota de
Eucharistia
vna specie.Ingratitu-
dinis immi-
nevitum.

Psal. 18.

Gratia Deo
creatori re-
fendæ pro
omnibus
creatris, &
beneficijs
fuis.Nota de
Romana
Ecclesia.Christus
propter sua
Ecclesiam
passus.

eius passio, corpusque distrahitur. Itaque quanuis gratia fenus teneret, & metueret tanti nominis debitor nauigare: tamen eò transire maluit, vbi tutò posset exoluere. Iudicabat enim diuinę solutionem gratia in affectu ac fide esse: quam quidem statim, vbi primū copia liberior Ecclesiæ fuit, implere nō distulit. Dei gratiā & accepit desideratam, & seruauit acceptā. Nihil igitur ea prudentia sapientius, quæ diuina & humana fecerit. Nam quid spectatam stipendijs forēibus eius facundiā loquar? Quād incredibili admiratione in auditorio præfecturæ sublimis emicuit? Sed malo illa laudare, quæ perceptis mysterijs Dei, duxit humanis esse potiora. Fortitudinē quoq; eius si quis plenius spectare voleret, consideret quoties post naufragiū inuicto quodā contemptu vitæ huius maria transfrerauerit, diffusasque regiones obcundo peragrārit. Postremō, quod hoc ipso tempore periculū non refugerit, sed ad periculum venerit, patiens iniuriæ, negligens frigoris, atque vtinam sollicitus cautionis: sed hoc ipso beatus, quod dum licuit vigore vti corporis, inoffenso ad exequenda quæ vellet functus iuuentutis officio, vitam vixit, debilitatem ignorauit. Qua verò prosecutione simpli- Simplicitas
quid sit.
Cap. II.

Date, quæso, veniam, & permitte dolori meo, vt de eo mihi paulò vberius liceat. Ioqui, cum quo iam non conceditur colloqui. Certè & vobis proficit, vt aduertatis non fragilitate quadam vos hoc officiū, sed iudicio detulisse: nec misericordia mortis impulsos, sed virtutum honorificēta prouocatos. Anima enim benedicta omnis simplex. Tantæ autem simplicitas erat, vt conuersus in puerum, simplicitate illius Præclara B.
ætatis innoxiae, perfectæ virtutis effigie, & quodam innocentium morum speculo re- Satyri sim-
lucerer. Intrauit igitur in regnū cœlorum, quoniam credidit Dei verbo: quoniam sic plicitas.
ut puer artem repulit adulandi, iniuriæ dolorem clementer absorbuit, quā clementiū vindicauit, quærelæ, quādolo, promptior: satisfactioni facilis, difficilis ambiti-
oni, sanctus pudori: vt frequenter in eo superfluam magis verecundiam prædicares, quād necessariā quæreres. Sed nunquam superflua fundamenta virtutis. Pudor enim non reuocat, sed cōmendat, officium. Itaque velut quadam virginali verecūdia sus-
fusus ora, cùm vultu affectum proderet, si forte aliquā subitò veniens offendisset pa-
rentem, velut depresso & quasi demersus in terram, licet in ipso nequaquam dissili-
milis coetu virorum, rarus atollere os, eleuare oculos, recrere sermonem: quod pu-
dico quodam mentis pudore faciebat, cum quo castimonia quoquè corporis cōgru-
ebat. Et enī intemerata sacri baptismatis dona seruauit, mūdus corpore, purior cor-
de, non minūs adulterini sermonis opprobrium, quād corporis abhorrescens: non
minorem ratus pudicitia reuerentiam deferendam integratit verborū, quād corporis castitate. Deniq; intantū castimoniā dilexit, vt nec vxorem expeteret: li-
cet in eo non solum castitas appetentia fuerit, sed etiam pietatis gratia. Miro autē
modo & coniugium dissimulabat, & iactantiam declinabat: tantaque erat dissimu-
latio, vt nobis quoquè vrgentibus, differre magis consortium, quād refugere vide-
retur. Hoc vnū itaque fuit, quod nec fratribus crederet, non aliqua cunctationis
hæsitantia, sed virtutis verecundia.

Quis igitur non miretur virum inter fratres duos, alteram virginem, alterum sacer- Cap. 12.
dotem, atque medium, magnanimitate non imparem, ita inter duo maxima munera præstisſe, vt alterius minoris castitatem, alterius sanctitatem referret, non profes-
sionis vinculo, sed virtutis officio? Ergo si libido atque iracundia, reliquorum vitio-
rum educatrices sunt, iure castitatem atque clementiam dixerim quasdam virtutum parentes: Quanquam pietas quoquè, vt omnium principatus bonorum, ita etiam seminariū virtutum est cœterarum. Nam de parsimonia quid loquar, & quadā habendi castitate? Is enim non querit aliena, qui sua seruat: nec inflatur immodicè, qui contentus est proprio. Nihil ergo aliud, nisi proprium recuperare voluit, magis nè fraudaretur, quād vt ditaretur. Nam eos, qui aliena querunt, rectè accipitres pecunia nominabat. Quod si radix malorum omnium auraria est, vtiquè vita exuit, qui pecuniam non requirit. Non vñquam accuratoribus epulis, aut congestis ferculis i. Tim. 6.
delectatus est, nisi cùm amicos ad epulas rogaret: quantum naturæ sat is est, non quantum voluptati superest, requirens. Et certè erat non pauper opibus, sed tamen Matth. 5.
pauper spiritu: quoniam ipsorum est regnum cœlorū. De istius beatitudine nequaquam vtiquè dubitare debemus: qui neque vt opulens exultauit in diuitijs, neque vt pauper exiguum, quod habuit, iudicauit.

Supereft vt ad conclusionem cardinalium virtutū, etiā iustitiae partes in eo debe- Cap. 13.
amus

amus aduertere. Nam etsi cognatae sint inter se, concretæque virtutes, tamen singularum quædam forma & expressio desideratur, maximeque iustitiae. Ea enim sibi parior fôris tota est: & quicquid habet, quadam inclemencia sui, dum rapitur amore communi, transfundit in proximos. Sed huius multiplex species. Alia erga propinquos, alia erga vniuersos, alia erga Dei cultum, vel adiumentum inopii. Itaque qualis in vniuersos fuerit, prouincialiū, quibus praesuit, studia docent: qui parentem magis fuisse propriū, quam iudicem loquebantur, gratum piæ necessitudinis arbitrum, constantem æqui iuris disceptatorem. Inter fratres autem qualis fuerit, licet omne hominum genus benevolentia completeretur, indiuisum patrimonium docet, nec distributa, aut delibera, sed reseruata hæreditas. Etenim pietatem sibi causam esse negavit testandi. Nam hoc quoquæ ultimo sermone signauit, cum quos dilexerat commendaret, sibi nec vxoris arbitrium fuisse ducendæ, ne à fratribus diuelleretur: nec testamenti faciendi voluntatem, nè nostrum in aliquo arbitrium laderetur. Denique & oratus, & obsecratus à nobis, nihil tamen condendum putauit, non oblitus pauperum, sed tantu[m] obsecrans esse tribuendum, quantum nobis iustum videretur. Quo vno satis & diuini timoris expressit in dictu[m], & humanæ edidit religionis exemplum. Nam quod pauperibus contulit, Deo derulit. Quoniam qui largitur pauperi, Deo fecerat: & postulando quod iustum est, non exiguum, sed totu[m], reliquit. Hæc enim est summa iustitiae, vendere quæ habeas, & conferre pauperibus. Qui enim dispersit, dedit pauperibus: iustitia eius manet in æternum. Ergo dispensatores nos, non hærides reliquit. Nam hæreditas successori queritur, dispensatio pauperibus obligatur. Vnde non immetit quantus fuerit, hodie quoquæ per vocem lectoris parvuli spiritus sanctus expressit: Innocens manibus, & mundo corde, qui non accepit in vanum anima[m] suam, nec fecit proximo suo dolum. Hæc est generatio requirentiū Deū. Hic ergo & in montem Domini ascendet, & in tabernaculo habitabit Dei: quia ingressus sine macula, operatus est iustitiam, locutus est veritatem, nō decepit proximum: nec pecuniam feceratus est suam, qui semper voluit recuperare hæreditariam. Agnosco oraculum: quod enim nulla ordinavit dispositio, spiritus reuelauit.

Quid verò illud recensem, quid supra ipsam iustitiam pietate progressus, cum quædam incubatori communium fructuum, mei contemplatione munericus putaret esse tribuenda, largitatis me iactabat authorem, portionis sua lucrum ad commune consortium conferebat. Hæc & alia, quæ mihi tunc erant voluptrati maxima, nunc recordatione doloris exasperant. Manent tamen, eruntque semper, nec tanquam umbra prætereunt, neque virtutis gratia cum corpore occidit, nec idem naturæ meritorumque finis: licet ipsius naturæ usus non in eternu occidat, sed temporali quadam vacatione requiescat. Talibus igitur perfundetur virtutibus, erectum periculis, desiderio magis quam amissione flebo. Suadet enim ipsa opportunitas mortis, ut profundum magis gratia, quam dolendum putemus. Scriptu[m] est enim, in cōmuni dolore propriū vacare debere. Neque enim propheticō sermone vni illi mulieri, quæ figuratur, sed singulis dicitur, cum Ecclesiæ dictum videtur. Dicit ergo & ad me, & dicit scriptura cælestis: Hoccine doces, sic instituis Dei plebem? An nescis, quia exemplum tuu[m], periculū cæterorū est? Nisi forte exauditū nō esse te quereris. Primiū istud arrogantis est impudicitia: mereri solu[m] velle, quod multis etiā sanctis negatū nō eris, cum scias quia non est personarū acceptor Deus. Nam etsi misericors Deus, tamē si semper exaudiret omnes, nō iam ex volūrate libera, sed ex quadā velut necessitate facere videretur. Deinde cū omnes rogent, si exaudiret omnes, nemo ergo moreretur. Pro quantis quotidie rogas? Nūquid constitutio Dei, contemplatione soluenda est tuu[m]? Cur ergo non imperatū aliquando doles, quod nō semper impertrabile esse cognoscis? Sulta, inquit, super omnes mulieres, nōnne vides lugubrū nostrū, & quæ nobis contingunt? Quoniam Sion mater nostra omniū, in tristitia contristatur, & humilitate humiliata est. Lugeat validissimè & nūc, quoniam omnes lugemus: & tristes estote, quoniam o[m]nis contristati sumus. Tu enim cōtristaris in fratre. Interroga terrā, & dicet tibi, quoniam hæc est, quæ debeat lugere tantorū superstites germinum. Et ex ipsa, inquit, initio Omnes nati: & alij veniēt, & eccē penè omnes in perditionē ambulāt: & in exterminiū fit multitudo eorum. Et quis ergo debet lugere magis, nisi q[uod] tam magnā multitudinē p[ro]didit, q[uod] tu, qui p[ro] uno doles? Absorbeat igitur nostrū dolorē cōmunicis dolor, & acerbitate p[ro]prii mœroris excludat. Nō enim dolere debemus eos, quos cernimus liberatos. Neq[ue] enim ociosè rā sanctas hoc tēpore animas corporeis vinculis reminiscimur absolu-

Iustitia S.
Satyrī.

**Noluit te-
flamentum
facere.**

Prou. 19.

Psal. 11.

Psal. 23.

Cap. 14.

**Non idem
naturæ at-
que meri-
torum finis.**

Aet. 10.

4. Esdr. 10.

solutas. Namque velut diuino iudicio tam graues viduas ita uno tempore defunctas videmus, ut profec̄tionis quidam videatur excellēs, non mortis occasus: nē veterana emeritis stipendijs pudicitia dubium diu seruati pudoris incideret. Quos gemitus mihi, quos dolores tam acerba excitat recordatio? Et si moeroribus non vacabant, tamen in ipso dolore priuato, in ipso tantorum amissō flore meritorum, communis quādam naturae me conditio solabatur: defixusq̄e in uno dolor, acerbitate publici funeralis domesticæ specie pietatis obduxerat.

Repero ergo, sacra scriptura, solatia tua. Iuuat enim tuis præceptis, tuis sententijs immorari. Quia facilius est cælum & terram præterire, quam de lege unum apicem cadere. Sed iam audiamus, quæ scripta sunt: Nunc, inquit, retine apud temeritatem dolorem tuum, & fortiter fer qui tibi contigerunt casus. Si enim iustificaueris terminum Dei, & filium tuum recipies in tempore, & in mulieribus collandaberis. Si hoc ad mulierem, quanto magis ad sacerdotem? Si de filio, non vtiquè absurdum etiam de fratribus amissione talia memorari: quāquam si mihi fuisset filius, nunquam eum amplius dilexissem. Nam sicut in obitu liberorum effusi labores, suscepisti frustra dolores, moerorem videntur augere: ita etiam in fratribus consuetudinis usus atque collegij, acerbitatē doloris accidunt. Sed ecce dicentem scripturam audio: Noli facere hunc sermonem, sed consenti persuaderi. Qui enim fles casus Sion, & consolare propter dolorem Hierusalem. Vides enim, quia sancta nostra contaminata sunt, & nomen, quod nominatum est super nos, penè prophanatum est: & iuuenes nostri contumeliam passi sunt, & sacerdotes nostri succensi sunt, & Leuitæ nostræ in captiuitate fuerunt, & mulieres nostræ contaminatae sunt, & virgines nostræ vim passæ: & iusti nostri rapti, & paruuli nostri proditi sunt, & iuuenes nostri seruerunt, & fortes nostri inualidi facti sunt. Et quod omnium maius signaculum Sion, quoniam resignata est de gloria sua nunc, & tradita est manibus eorum, qui nos oderunt. Tu ergo excute multam tuam tristitiam, & depone abs te multitudinem dolorum, vt tibi propitietur fortis, & requiem faciat tibi altissimus requietione dolorum.

Cessabunt igitur lachrymæ. Parensum est enim remedij salutaribus, quia debet aliquid inter fidos & perfidos interesse. Fleant ergo, qui spem resurrectionis habere. non posse: quā non sententia Dei eripit, sed fidei inclemens. Intersit inter Christi seruos, idolorumque cultores: vt illi fleant suos, quos in perpetuum existimant interisse. Illi nullas habeant lachrymarum ferias, nullam tristitia requiem consequantur, qui nullam putant requiem mortuorum. Nobis verò, quibus mors non naturæ, sed vita itius finis est, quonia in melius ipsa natura reparatur, fletus omnes casus mortis abstergat. Certe si illi sibi aliqua solatia repererunt, qui finem sensus defecerunt, & tumquæ naturæ, mortem arbitrati sunt: quanto magis nos, quibus meliora post mortem præmia bonorum factorum conscientia pollicetur? Habet gentiles solatia sua, quia requiem malorum omnium, mortem existimant. Et vt vitæ fructu carent, ita etiam caruisse se putant omni sensu & dolore peccatarum, quas in hac vita graues & assiduas sustinemus. Nos verò vt erectiores præmio, ita etiam patientiores solatio esse debemus. Non enim amitti, sed præmitti videntur, quos non absumptura mors, sed æternitas receptura est.

Cessabunt ergo lachrymæ, aut si cessare non poterunt, in communibus lamentis flebo te, frater: & sub dolore publico, domesticos gemitus tegam. Nam cessare quī poterunt, cūm ad omnem sonum nominis tui lachrymæ surrepant, vel cūm usus ipse recordationem excitat, vel cūm affectus imaginem representat, vel cūm recordatio dolorem renouat? Quandò enim dees, qui tantis officijs representaris? Ades, inquam, & semper offerris: & toto te animo ac mente cōplector, adspicio, alloquor, oscularor, compræhendo, vel in ipsa quiete nocturna, vel in luce clara, cūm reuisere & solari dignaris moerentem. Denique ipsæ iam noctes, quæ quasi molestiores, viuente te, videbantur, quod mutui conspectus copiam denegarent: ipse iam somnus, collocutorum nostrorum dudum interruptor inamabilis, dulcis esse iam coepit, quia te mihi reddidit.

Non igitur miseri, sed beati, quorum nec præsentia deficit, nec cura minuitur, & augetur gratia. Etenim somni similis imago mortis. Quod si in quiete nocturna vinculis adhuc corporeis inhæretes, & quasi inter carceraaria religata claustra membrorum, possunt tamen animæ altiora & discreta perspicere: quanto magis spectat hæc, cūm iam puro æthereoque sensu, nulla corporeæ labis impedimenta patiuntur? Meritoque

Cap. 16.

Thess. 4.

Cap. 17.

Etiām clara

luce sapientis.

Satyrus ap-

partet statu

suo.

toque mihi conquerenti, vrgente quodam iam in occasum die, quod non reuiseres quiescentem: totus omni tēporē indiuiduus, affusti, itā vt illo perfusus sopore membrorum, cū ego vigilarem tibi, tu viuere mihi, dicerē: Quid est mors, frater? Nam certē nullis à me separare momentis. Itā enim vbiquē p̄r̄stō eras, vt quam in istius vitæ vsu habere copiam nequibamus, nunc nobis semper & vbiquē p̄r̄stō sit. Nam tine utique omnia p̄r̄stō esse non poterant: nec enim complexiones nostræ, conspectusque & oscularum corporalium suavitates, locis omnibus & omnibus temporibus suppeterbant. Animorum imagines semper nobiscum erant, etiam quando non eramus vna: quæ ne nunc quidem occiderunt, assidueque aduolant, quo maiore desiderio, eo maiore copia. Teneo igitur te, frater, nec mihi te aut mors, aut tempus auerteret. Ipsæ dulces lachrymæ sunt: ipsi flerus iucundus, quibus restinguitur ardor animi, & quasi relaxat euaporat affectus. Neque enim sine te esse possum, aut tu non meminisse vnuquā: aut meminisse sine lachrymis. O amari dies, qui interruptam copulam prōdit. O flebiles noctes, qua tam bonum consortium quietis, & indiuiduum mihi comitem perdidistis. Quas ederetis cruces, nisi se offunderet imago p̄r̄sentis, nisi visiones animi repräsentarent, quem species corporis denegaret? Iamiam frater animo meo charissime, quanquā immaturo decesseris obitu, beatus tamen qui ista non sustines, nec amissum fratrem mōrēre compelleris, quem absentem diū ferre non poteras, sed recursu celeri reuisebas. Quod si tunc solitudinis meæ tādīa repellere, mōritiam fraternæ mentis ableuare properabas: quanto nunc crebriūs afflictum animum debes reuise, & ex te conceptum, per te lenire, mōrōrem? At mihi tamen dat aliquas officij v̄lus inducias, & obsequij sacerdotalis intentio abducit animum.

Cap. 19.

Marcellina
valde dōler
obitu fra
tris Satyri,

Flere in ora
tione, ma
goꝝ virtu
tis est.

Cap. 20.

Cupit dif
folui & suo
fratri adiu
gi S. Am
brosius.

De sancta v̄ro sorore quid fiet? Quæ licet diuino metu pietatem temperet, rur-sūs tamen ipsum pietatis dolorem studio religionis accendit. Strata humi, & rotum gremio sui complexa tumulum, laborioso fessa incessu, tristis affectu, dies noctesque mōrōrem integrat. Nam licet fletum plerunque sermone suspendat, in oratione renouat. Et quanvis scripturarum memoria consolationes serētibus p̄ceurrat, flendi tamen desiderium precandi assiduitate compensat, lachrymarum vberatē tunc p̄cipue, quando nemo interrumpere possit, instaurans. Itā quod miserearis, habes: quod reprehendas, non habes. Flere enim in oratione, virtutis est. Et quāquā istud familiare virginibus, quibus mollior sexus, tenerior affectus contuitu communis fragilatis, in lachrymas etiam sine domestici sensu doloris exuberat: tamen cū maior causa mōrendi est, finis mōroris excluditur. Deest igitur consolandi via, quia suppetit excusandi gratia. Neque enim possis prohibere, quod doceas, p̄fertim cū religionis adstruat lachrymas, non doloris: & communis seriem deplorationis, metu pudoris obtexat. Consolare ergo, qui potes adire animum, penetrare mentem. Cernat te esse p̄sidentem, sentiat non esse defunctum: vt cuius secura de merito, eius funēta solatio, discat pro eo non grauiter dolere, qui se admonuerit non esse dolendum.

Sed quid ego te morer, frater? quid expectem, vt nostra tecum commoriatur & quasi consepielatur oratio? Licet ipsa species & examinis corporis forma soletur, oculosque manens gratia & permanens figura demulceat: nihil, inquā, moror. Procedamus ad tumulum. Sed prius vltimum coram populo vale dico, pacem p̄dico, osculum soluo. Præcede ad illam communem omnibus & debitam, sed iam mihi p̄ceteris desiderabilem, domum. Para hospiti consortium: & quemadmodum hīc omnia nobis fuere communia, itā illic quoquēius diuiduum nesciamus. Nē, quæsto, cupientem tuū diū deseras: properantem expecta, festinantem adiuua: & si diuitiis morari tibi videbor, accersi. Neque enim vnuquā prolixius absuimus a nobis: tu tamen solebas reuise. Nunc quoniam turedite iam non potes, nos ad te ibimus, æquum est vt officium rependamus, subeamus vicem. Nunquā nobis fuit vita conditio discretior. Semper aut sanitas, aut ægritudo communis, vt cū alter ægredieret, alter in morbum incurreret: cū alter reualeceret, vterque consurget. Quomodo ius nostrum amisimus? Et nunc consortium ægritudinis fuit, quomodo mortis consortium non fuit? Tibi nunc, omnipotens Deus, innoxiam commendo animam: Tibi hostiam meam offero. Cape propitius & serenus fraternum munus, sacrificium sacerdotis. Hæc mei iam liba p̄mitto. In hoc ad te pignore venio: non pecunia, sed vita pignore: nē me diuitiis residere facias tanti fœnoris debitorem.

Non potuit
meminisse
fratris sui
sine lachry
mis S. Am
brosius.

bitorem. Non mediocris est fraterni amoris vsura, nec viliis naturæ fors, quam cumulavit, incrementum virtutis. Possum ferre, si citò cogar exoluere.

PASSIO S. Ianuarij Episcopi Beneuentani, Festi & Proculi Diaconorum & sociorum, describitur in Vita sancti Sosij Leuitæ & martyris, infra 23. Septembris. Itaque Lectorem eò remittimus.

MARTYRIVM SANCTORVM MARTYRIVM
TROPHIMI, SABBATII, ET DORYMEDONTIS:
authore Simeone Metaphraste.



MPPIO Probo tenente sceptra Imperij Romano-<sup>19. Septem-
bris.</sup>
rum, Vicarij magistratu Antiochiae fungebatur Atticus,
quem etiam vocabant Heliodorum. Cum perageretur
autem exitialis natalis Daphnæi Apollinis, Antiochia
quidem, ut est consentaneum, in tripudijs, ebrietatibus
& sacrificijs totum diem transigebat. Illo autem die ex
externa regione aduenientes Trophimus & Sabbatius,
viri pij & adoratores veritatis, sed quorum nondum erat
manifesta pietas, cum animarum tantam adspexissent ca-
ptiuatatem, grauiter & eximo pectori suspirans Trophi-
mus: Deus, exclamauit, (voce quoquè commixtis lachry-
mis) qui verbo quidem ex ijs, quæ non erant, vniuersum constituisti, hominem au-
tem ad imaginem tuam propria manu es fabricatus, tu benignè nunc adspice, & eri-
pe istos à manu aduersarij. Hac Deo dixit Trophimus. Repetè autem eum cum Sab-
batio compræhendunt quidam ex gentilibus, & ducunt ad Vicarium. Qui cum eum
coram curâsset sistendum, loco quidem statim separat à se inuicem, quos non pote-
rat spiritu sciungere. Rogat autem priùs Trophimum, quodnam esset ei nomen, quæ
vitæ conditio, & quæ religio. Vir autem diuinus: Nomen quidem meum, dixit, ab
ipso ortu est Trophimus. Cum verò ab initio ingenuus essem & liber natus, non si-
ne probro & dedecore seruji peccato: sed rursus mei Christi baptimate recepi pri-
mam illam ingenuitatem & libertatem.

Trophimus
& Sabbati-
us compræ-
henduntur.

Vicarius verò, Quamnam autem, inquit, sequeris religionem? Iam quidem dixi, Cap. 2.
inquit Trophimus. Sed audi adhuc apertius: Sum Christianus, Christi seruus: & vi-
nam Christi essem victimæ. Ille autem: Hospesne es, inquit, an indigena? Hospes, qui
erat verè mundi hospes, respondit. Legisti, inquit Præses, quæ Imperatoria decreuit
potentia? Legi, inquit Trophimus: Sed hæc nihil ad nos: nam inter dæmonum dece-
ptionem & pietatem multum interest: & tantum, quantum, ut arbitror, inter diem
& noctem. Hac ira repellit Heliodorum: & statim iubet eum nudatum, à quatuor
extendi & verberari vehementius. Atque ei quidem, fera quanis crudelius, corpus
flagellis exedebant: illinc autem fluentes rivul sanguinis, subiectum solum altè redde-
bant purpureum: & interim, Sacrifica infelix, dicebat Heliodorus, neque maledictis
incestæ deos & Imperatorem. Anne carnes quidem tuas vides paulatim dissolui, &
diffluere? Ille autem: Te, inquit, intuens, magis misereor tuæ calamitatis, quod cùm
sis homo, habes animam feris agrestiorem, nullam in tuam cognationem ostendens
humanitatæ. Ego autem quomodo potui Christi mei virtute, ferre plagas citra mo-
lestiam, & cum gaudio: ita etiam horum spectaculum existimo esse oculorum deli-
cias, eorum, quæ sperantur, expectatione sensum dolorum auferente. Et alioquin ani-
mam scit expurgare ab omni macula hic sanguis, qui propter Christum effunditur,
qui est ei veluti quoddam diuinum lauacrum. Hæc cùm in ipso tempore tormenti
vidit Vicarius philosophantem martyrem, eum quidem in præsentia punire statu-
it intermittere: sūfione autem potius eum aggredi & adhortationibus.

Verberatur
durissime.

Cum itaque eum curâsset coram ipso sistendum: Diis sacrificia, dicebat, Tro-
phimus: alioquin te ad Dionysium Perennium, Phrygia Salutaris præsidem, transmit-
tam. Erat enim is crudelitate insignis. Non mea refert, inquit Trophimus, à téne, an
ab illo interimar. Nam seu Heliodorus, seu Dionysius me puniat, eadem mors me
manet. Idem enim est utrisque scopus & institutum, punire & de medio tollere eos,
qui constituerunt colere pietatem. His vehementer commotus Heliodorus, in ligno
Ff suspen-

Omnia tor-
menta deli-
cias repu-
tat.